

蘇州府志卷第九十一

人物十八

崑山縣

漢

卞崇

隋

張沖

唐

張後肩孫齊邱

史德義

張承休

陶峴

蘇州府志

卷九十一

人物十八目錄

張鎰

宋

龔宗元父識 子程 程子況王僖

孫載

馬友直

孫察

王葆祖申 父億

龔明之子昱

顏度

馬先覺

唐輝弟燁 子子壽

邊惇德子瀛 濟 濟子應升 應登 應升子雲遇范之柔弟良遂

吳仁傑父信

衛涇父季敏

趙琳

楊應龍曾祖敏求 子光 輔 孫滋

王圭 父邁

衛湜

陳振 父邁 子昌世

劉必成

周津 曹椿年 榮孝子 張

邊實

麥萬頃

元

衛培 李季高

朱旭

朱德潤

盧觀 祖鑑 父有常

朱日新

文質

顧權 父達卿

秦玉 父庚

金至善

余日強 父與可

蘇州府志

卷九十一

人物十八目錄

二

姚文奐

顧德輝

王允吉

葉苗

管善 父珪

瞿信

郭翼

張傑 子伯庸

明

盧熊

子彭祖 彭祖孫瑛

盧熙

子充穎 充穎子

殷奎

弟壁 箕

秦約

趙彥可

袁華

呂誠

項篤

楊性

傅剡

顧禮

陳則

易恆祖斗元

余燾

龔營

王履子伯承

王遜子復 復子敏

王震父祖卿

孟忠

王英孫廷綱

朱吉子定安 泰安 永安

范從文父原良

呂昭子旦

王明善弟子朱璉 黃鐸

沈芳

史謹

陸安

顧愚

范廷珍弟廷珪

龔詡

蘇州府志

卷九十一

人物十八目錄 三

孫惠

范能孫俊

周瓌從兄弁

劉璉

俞敬

虞祥子震 震子臣

趙遠子曷

夏景兄曷

許剛孫立

王永和子汝賢 汝敬

盛頤

張經子希賢

張準

陳皞從子助

章賢

吳凱

蔣明

衛靖

朱夏

沈方

甘霖

屈昉

葉春父明

龔理子紱

張和

張穆夏遂

沈恩弟魯

蘇州府志

卷九十一

人物十八目錄

四

蘇州府志卷第九十一

人物十八

崑山縣

漢

卞崇婁縣人漢桓帝時太守薛固爲法吏所枉下廷尉崇與同郡烏程錢讓詣闕稱寃廷尉囚崇等以兵圍守苦毒持之崇讓恬然自若枉聲彌厲天子聞而奇之乃赦固罪

盧志

隋

張冲字叔元仕陳爲左中郎將非其好也乃覃思經典撰春秋義略異於左氏七十餘事官國子博士入隋官至漢王侍讀

蘇州府志

卷九十一

人物十八

一

隋書 乾隆志曰冲傳但云吳郡人今以其子後肩唐書著爲崑山人故入崑山

唐

張後肩字嗣宗冲子祖僧紹梁零陵太守後肩甫冠以學行禪其家高祖鎮太原引爲客以春秋授秦王義寧初爲齊王文學封新野縣公武德中擢員外散騎侍郎賜宅一區太宗卽位進燕王諮議從王入朝召見初帝在太原嘗問隋運將終得天下者何姓答云公家德業天下繫心若順天而動自河而北指揮可定然後長驅關右帝業可成至是自陳所言乃賜燕月池帝令羣臣以春秋酬難帝曰朕昔受大誼於君今尙記之遷燕王府司馬出爲睦州刺史乞骸骨帝見其強力

問欲何官因陳謝不敏帝曰朕從卿受經卿從朕求官何所  
疑後肩頓首願得國子祭酒授之永徽中致仕加金紫光祿  
大夫朝朔望卒贈禮部尚書諡曰康陪葬昭陵孫齊邱朔方  
節度使東都留守諡貞獻唐書

史德義咸亨初隱居武邱山以琴書自適或騎牛帶瓢出入郭  
市號爲逸人高宗聞其名徵赴洛陽尋稱疾歸公卿以下皆  
賦詩餞別德義亦以詩留贈其文甚美天授初江南道宣勞  
使周興表薦之則天徵赴都詔曰蘇州隱士史德義志尚虛  
乏業履貞確謙冲彰於里閭孝友表於閭庭固辭徵辟長往  
嚴陵之瀨多謝簪裾高蹈愚公之谷博聞強識說禮敦詩繕

蘇州府志

卷九十一

人物十八

二

性邱園甘心畎畝承天革命建極開階寤寐星雲物色林壑  
順禎期而捐薜帶應休運而解荷裳粵自海隅來遊魏闕行  
藏之理斯得去就之節無違風操可嘉啟沃攸仁特宜優獎  
委以諫曹可朝散大夫後周興伏誅德義坐爲所薦免官以  
朝散大夫放歸邱壑自此聲譽稍減舊唐書

張承休後肩孫張說撰墓誌云後肩之子小師小師生承休承  
休希言篤行去華崇實非法不由非禮不動精於理物敏於  
從政歷朝議大夫上柱國恆州刺史說之文曰閭門一方暉  
我諸侯蓋居閭門云吳郡志

陶峴彭澤之子孫也開元中家崑山富有田業擇家人不欺而

了事者悉付之身則泛遊江湖往往數歲不歸見其子孫成人初不辨其名字峴文學可以經濟自謂疎脫不謀宦遊生通八音撰樂錄八章以定其得失自製三舟備極堅巧一自載一置賓一貯飲饌客有前進士孟彥深進士孟雲卿布衣焦遂各置僕妾共載峴有女樂一部奏清商曲逢奇遇輿則窮其境物興盡而行名聞朝廷值天下無事經過郡邑無不招延峴拒之曰某麋鹿閑人非王公上客亦有未招而詣者

吳越之士號爲水仙

甘澤謠

張鑑字季權一字公度後膺五世孫齊邱子以蔭授右衛兵曹參軍郭子儀表爲元帥府判官累遷殿中侍御史乾元初華

蘇州府志

卷九十一

人物十八

三

原令盧樅以公事譙責邑人齊令詵令詵宦人也銜之構樅罪鑑按驗當免官有司承風以死論鑑不直之乃白其母曰今理樅樅必免死而鑑坐貶默則負官貶則爲太夫人憂敢問所安母曰兒無累於道吾所安也遂執正其罪樅得流鑑貶撫州司戶參軍徙晉陵令江西觀察使張鎬表爲判官遷屯田右司二員外郎居母喪以孝聞大曆初出爲濠州刺史政條清簡延經術士講教生徒比去州升明經者四十餘人李靈曜反於汴鑑團閱鄉兵嚴守禦有詔褒美擢侍御史緣淮鎮守使以最遷壽州刺史歷江西河中觀察使不閱旬改汴滑節度使以病固辭詔留私第建中二年拜中書侍郎同

中書門下平章事郭子儀壻太僕卿趙縱爲奴告下御史劾治而奴留內侍省鑑奏言貞觀時著令奴告主者斬頃悖慢成風漸不可長今縱事非叛逆而奴留禁中獨下縱獄情所不厭帝納之杖奴死盧杞忌鑑剛直欲去之時朱泚以盧龍卒戍鳳翔帝欲擇人以代杞卽謬曰鳳翔將校班秩素高非宰相信臣不可鎮撫臣直行帝不許乃顧鑑曰文武兼資內外望重無易卿者其爲朕撫盧龍士乃以爲鳳翔節度使鑑知爲杞陰中然辭窮因再拜受詔帝幸奉天鑑罄家貲將獻行在而營將李楚琳者嘗事朱泚得其心司馬齊映等謀曰楚琳必爲亂乃遣屯隴州楚琳知之夜率其黨作亂鎰縋城走不及遠與二子爲候騎所執楚琳殺之贈太子太傅

唐書

宋

龔宗元字會之父識字默甫始徙吳登端拱元年進士第大中祥符中翰林學士李宗諤薦擢監察御史遷殿中侍御史兼左巡使宋龔唐制御史不專言職至是始擇學術醇正操履端方可綱紀朝廷者俾入臺言事蓋自識始逾年以目疾求退除檢校司封郎中平江軍節度副使宗元幼穎悟絕人讀書虎邱寺爲鄉貢首選天聖五年擢第三杭州仁和簿以父疾乞便侍養調吳縣改建安尉以薦擢大理評事知句容縣發摘姦伏如神明楊紘持使節號爲深酷過縣境獨不入或

問其故紘曰龔君治民所至有聲吾往徒爲擾耳歷通判衢越二州官至都官員外郎後徙崑山黃姑謝事家居作中隱堂時屯田員外郎程適太子中允陳之奇皆以耆德致政曰爲文酒之樂吳人謂之三老宗元初官仁和時范仲淹爲帥謂之曰君器業清修他日必爲令器慎勿因人以進洎登朝未嘗游公卿門皆仲淹之教也子程字信民剛正自守不怵於禍福力排異端家不設佛老像祭祀不焚紙錢幼讀書南峯山攻苦食淡遂博極羣書鄉人號有腳書廚熙寧六年第進士終桐廬令卒贈左朝議大夫程子況字濬之崇寧五年進士入館以學術文章與蘇過俱知名時號龔蘇用宗元中

蘇州府志

卷九十一

人物十八

五

隱故事自號起隱子終祠部員外郎

中吳紀聞吳郡志盧志合纂乾隆志云宗元

雖徙崑山實吳縣人也以其子孫皆居崑山故從縣志併爲一傳入焉

王僖字康國居太學有聲鄉人謂之王學正識與不識皆尊敬之有堂名逸野曰遊適其中讀書自娛其持身治家甚嚴鄉里率以爲法從孫葆自幼知讀書僖之訓也無子王氏舉族祀之不絕

道光崑新志

孫載字積中曾祖漢英仕錢氏爲崑山鎮防遏使遂爲縣人載登治平二年進士第爲河中府戶曹更三守皆立威嚴載獨與爭曲直不肯少下終以此見知中書檢正官察訪關中辟爲官屬青苗法行乾祐令不以予民察訪怒檄載按之載還

言邑小民貧其徒歲以黍麥博易爲生未知稱貸公家爲利  
令無罪用薦知德清縣以德化民聽斷精明不專任刑罰開  
誘是非出於誠信訟有累年不決者得一言皆感悟舍去熙  
寧八年吳越饑獨縣中熟載勸大家倍糴得十五萬斛明年  
春米價翔踊載使平直以糴全活甚衆移考城縣地多盜載  
明賞格嚴保伍一日巡尉來告盜集境上將以上元掠近郭  
至期載張燈設宴不禁夜如故事盜叵測遂遁去訖受代無  
復盜者神宗以載姓名付中書除廣東常平觸暑行部以宣  
德意元祐初遷廣東轉運判官紹聖初知海沂二州再知婺  
毫二州延聘名儒興學養士爲治務持大體時號循吏以嘗

薦元祐黨人授提舉洞霄宮大觀中以朝議大夫致仕一日  
徧謁先輩及嘗往來者未幾疾革問曰早晏盥水焚香而逝  
年七十五載天資樂易長於吏治薦士至四百餘人後多知  
名少喜讀易著易釋解五卷

中吳紀聞  
盧志合纂

馬友直字伯忠其先本司馬氏有名球者仕吳越以御史中丞  
爲崑山鎮防遏使因家焉子孫樂道不仕隨乎流俗故止稱  
馬氏聚族於邑之全吳鄉角直里以孝義著稱兄弟六人皆  
力穡獨友直以儒業自奮入太學元符二年薦春官與李廌  
遊廌知友直賢以兄之子妻之宣和水災全吳之田悉與江  
通兄弟皆狼狽營妻子友直獨迎其親徙邑之進賢里僦屋

以居躬養菽水母子晏如建炎二年以累舉得官初主湖之  
武康簿次監潭州南嶽廟尙強健卽挂冠以宣教郎卒侍郎  
唐公輝御史王公葆皆敬愛之

吳郡志

孫察載從子父臨大理評事察以朝散郎奉使金國守節不屈

金人褻以油絮焚之罵聲不絕口而死

盧志

王葆字彥光祖申以學行推於鄉父億樂道好善贈右中散大  
夫葆幼有志識弱冠通諸經宣和六年擢進士第崑山自孫  
載登科後六十年葆始繼之紹興改元上疏陳十弊深中時  
病末言儲嗣尤切直謂仁宗時中外無事海宇晏然而范鎮  
等爲國遠計汲汲在此況今國步多艱人心易動強虜未靖

蘇州府志

卷九十一

人物十八

七

羣盜陸梁天下之勢危若綴旒而甲觀之崇未聞流慶中外  
惴恐此爲甚急臣願陛下爲宗社無疆之計廣求宗室中仁  
明孝友時論所歸者歷試諸事以係人心執政讀而奇之遂  
自麗水簿遷知宜興縣時兩淮用兵浙亦盜起邑當孔道僚  
吏懼乏軍興相次駭竄葆白父母曰食君祿無愛死理弟可  
終養毋以葆爲念也明日取丞簿印兼佩之諸將妄求者面  
折力拒乃稍稍自戢歷監登聞院宗正寺丞遷司封郎官兼  
國子司業秦檜嘗語葆曰檜欲告老如何葆曰此事不當問  
葆檜曰他人不敢言以公有直氣故問耳葆曰果欲告老不  
問親讐擇可任國家事者使居相位誠天下生民之福檜默

然除監察御史兼崇正殿說書出知廣德軍移守漢州綏善  
鋤姦境內大治擢瀘南安撫使知瀘州引用名士劾去貪殘  
吏數輩踰年遷池州孝宗召爲大理少卿以疾辭改浙東提  
點刑獄權要不樂請祠歸宜興老焉官至左朝請大夫葆學  
行俱高潛心古道其學深於春秋著春秋集傳春秋備論等  
書教誘後生如親子弟沙隨程迥嘗從受經出其門者後多  
成立尤能鑒裁人物李衡布衣流落一見以女弟歸之周必  
大未第時亦妻以女范成大早孤廢業葆喻勉切至留之席  
下程課甚嚴後皆爲名臣

中吳紀聞吳郡志盧志合纂

龔明之字熙仲宗元曾孫幼逮事祖母李李自言少嘗大病夢

蘇州府志

卷九十一

人物十八

八

神告曰與汝七十七及期果病且革明之夜禱於天乞減已  
五齡以益李壽灼香於頂者七聞腦中爆裂聲不爲動詰旦  
李病良愈又五年乃卒宣和三年明之以諸生貢京師迎父  
母往已而母與弟相繼亡去鄉數千里貧無以歸葬或使以  
旅殯僧舍否則火之以其燼歸明之不從取其家所有自一  
錢之直皆折賣之不足又乞貸於人竟護二喪以歸先墓在  
西山大木數萬族人利其直悉斬而分之明之不能制獨泣  
且罵每伐一木仆明之輒號慟響震林谷卽買松萬株補植  
焉紹興二十年鄉貢年已六十或勸少匿其數爲異日計笑  
曰吾生平未嘗妄語且不敢自欺卒書其實晚以特恩廷試

授高州文學年逾八十法不應出官吳士在朝者列奏其行義敕監潭州南嶽廟淳熙五年乞致仕鄉人林振等又請之朝授宣教郎致仕仍賜緋衣銀魚時李衡以忠諫去國年幾八十德望絕人獨以兄事明之時人高之目爲二老明之生平不摘人短不作貌言每自謂平日受用唯一誠字嘗附益山谷語以省喫儉用號五休居士一日感微疾精神蕭爽親友問疾歌以答之遺令無設仙佛像於柩前供一水一花誦論語孝經足矣卒年九十有二子昱字立道有學行安貧樂義鄉人師之著樂閒先生格言

吳郡志盧志合纂

顏度字魯子充公五十三世孫自唐魯公真卿兄子顯爲常熟

蘇州府志

卷九十一

人物十八

凡

令其後遂爲吳人度居崑山登紹興進士第歷海門簿臨海令有去思乾道五年知長興縣遇事慈恕人不忍欺一日某王自寧國入朝舟次縣界皆以婦人挽轡王怪問之皆云知縣顏佛子愛惜民力縱男子耕種卒難召集恐累顏公故婦女悉當其役泊入對孝宗問卿治郡得人乎卽以度對召拜監察御史遷太常少卿權工部侍郎知湖州江東京西運副以中大夫秘閣修撰提舉沖祐觀封長洲縣開國男卒年七十五度與朱嘉友善孝宗謂度每出一言不動如山因以如

山自號云

盧志

馬先覺字少伊友直孫以文章名登紹興三十年進士初主海

門簿調常州教授既歸時宰辟沿海制置司幹官以先覺自重難挽徑以名聞授兵部架閣朝奉郎素號高逸不事請謁出爲浙西常平幹官以承議郎主管台州崇道觀號得閑居士盧志

唐煇字子明郡人居崑山以文章名政和五年登進士第紹興中爲諫官時盧知原知臨安府爲政乖謬煇論罷之官至禮部侍郎弟燧子子壽並進士姑蘇志

邊惇德字公辯祖珉始家崑山惇德幼孤至孝貧不廢禮才思敏給以能詩名爲范成大所知常與唱和五中鄉舉就奏名年逾六十卽致仕郡縣列上其行義特改通直郎子瀛字道

蘇州府志

卷九十一

人物十八

十

卿開禧進士與弟濟並有學行濟子應升應登應升字子用穎悟力學篤守操履爲一鄉師表淳祐初特科進士丹徒主簿應升子雲遇字龍光寶祐進士江陰縣尉盧志參舊縣志

范之柔字叔剛仲淹五世孫純祐仲淹純祐俱見吳縣志曾孫贈中大夫公

武之子也乾道八年進士嘉定初拜監察御史歷右正言左司諫起居中書二舍人刑禮二部尙書太子詹事封崑山縣開國子之柔奉親事君一以文正爲法知止畏盈每有山林之志累章乞骸骨上諭宰臣曰爲朕勉留將大用之以禮部尙書致仕卒贈特進開府端明殿學士諡清憲弟良遂初名之傳字次卿卜居崑山之車塘放情山水不慕榮利長於歌

詩兄雖貴視之泊如也自號墨莊居士

盧志

吳仁傑字斗南一字南英其先從洛陽來居崑山父信修武郎仁傑博治經史有俊才講學朱子之門登淳熙五年進士第

歷羅田令國子錄自號蠶隱以詩文名一時

盧志

衛涇字清叔其先齊人唐宋避亂遷華亭祖闔始占籍崑山父季敏通判鎮江府涇少有異操從永嘉李去智學李卒爲制服執喪淳熙十一年擢進士第一授承事郎添差鎮東軍簽判涇以對策嘗陳添差之弊三上表乞待次上特從其請故事狀元初任垂滿必通謝於宰執始頒召命時王淮秉政涇不通謝雖被召三月不得引見十四年除秘書省正字輪對

蘇州府志

卷九十一

人物十八

士

言陛下卽位之初銳意事功不次用將相痛憤以圖恢復乃二十六年之久無一事足以少稱陛下意者而陛下大有爲之志亦少弛矣一祖八宗之業太上皇付託之重子孫億萬年之基緒陛下一身任之豈可僅取苟安無事而已耶庸常之才持祿保身而風俗日壞士氣日卑民生日困天下之患將有出於意慮之外者事機易失時不再來願陛下堅自強之志振紀綱以張國勢作氣節以厲媮惰則靜可以強根本動可以復土疆而事功立矣光宗初立政尙修謹涇以著作佐郎賜對言今日風俗頹靡百度縱弛人材削弱國勢未張汲汲有爲尙恐不濟若猶因循其弊將不可爲又言中國之

與北虜其勢決不能兩立名爲和好實則仇敵名爲息兵實則觀釁復讐之志直須時耳今以偏方之勢與虜持久自紹興來五十年無大戰自隆興來三十年無小鬪虜酋新立血氣方剛間隙之生遠不過五六年願陛下奮發英斷規恢遠圖卧薪嘗膽不忘北鄉聖志先定然後與二三重臣講求大計委任而責成之內治外備則大讐可復中興可期又言自陛下踐阼臺諫給舍多不得其職今日士氣向衰風采銷落陛下所當長養振作而反陰銷潛沮之將使羣臣上懼陛下之威命下虞羣小之中傷苟且成風諂諛充位脫有大姦巨惡誰爲陛下言者紹熙元年遷著作郎兼司封郎官二年正

月震雷雨電大雪繼作涇應詔上封事言雷陽也雪陰也陽氣方升而陰制之此雪所以降也以象類而求則君欺於臣夫陵於妻夷狄謀中國小人害君子皆陰勝陽之證有一於此皆能致亂陛下不可不預防也時佞倖漸肆李后悍妬故涇以爲言出爲淮東浙東二路提舉慶元初召爲尙右郎官上殿論壽皇孝養禮曠以爲太上之於陛下親父子也天性之愛慈孝之心宜無毫髮疑問雖太上疾勢未平語言舉動若未容於進見者然陛下孝心純篤豈以吾親之不可見而遂已乎願陛下兢業於中以親之未順爲憂以期於見親爲念積此誠意庶太上之懽心可得而喜付託之得人矣三年

以起居舍人假工部尙書使金國還言虜有危亡之兆吾無自治之策使吾治具畢張備禦無缺敵雖強不足畏倘偷安歲月僅了目前一弱虜滅一強敵生未足以爲喜也初涇之往寧宗諭使覘國金爲蒙古所攻我有乘釁之意涇深懼其輕動故還奏如此除直煥章閣知慶元府沿海制置使以言者論罷是時權奸用事涇不爲勢怵斥去十年不調於里中闕西園取范文正公之言名其堂曰後樂開禧元年得旨入朝明年除中書舍人兼直學士院應詔論北伐非計不聽三年自吏部尙書拜御史中丞請誅韓侂冑論罷陳自强拜參知政事封崑山縣開國伯嘉定初兼太子賓客始侂冑之誅

涇功居多旣又患史彌遠有專恣之漸欲去之彌遠知涇謀諷御史劾罷之五年出知潭州八年知隆興府上以涇三世同居有堂曰友順御書二大字太子亦書後樂堂勝賜之九年知揚州十七年進資政殿學士金紫光祿大夫致仕進封吳郡開國公寶慶二年卒理宗輟視朝一日特贈太師追封秦國公謚文節涇歷仕三朝出入內外四十餘年憂國忘家始終一節謀深慮遠不邀近功其進退之際與時升降嘗語人曰官職自有定分名誼千古不磨故其在朝孤立自守不畏強禦以賢才爲立國之基薦進搜舉汲汲如不及如李燔輔廣倪思陳韓皆其人也